



بِيلاتوس يَسُوا أَرَاتِينَ

Biilaatoos Yasuu'a araatiini

⁰¹ فَجَرْ إِقْفِيرِيَّةٌ هَادَوَةٌ، يَلِقْرِمَاوَةٌ، وَهَقَّ كَنَانِيقَاوَةٌ إِيكَتِينَ إِمَرَّانِينَتِ، كَسُوْهٌ إِيْهُودَه مَجْلِسَوَه يَسُوا اُونَّ أَمْجَلِسَه سُورِيَّه هَاهِي إِيْيَانِ- كَسُوْهٌ أَمْجَلِسِيبِ إِيفِينَ يَكِيَانِيتِ، يَسُوا وَهَاكِمِ بِيلاتوس هَاهِي إِيْيَنِ-

⁰² بِيلاتوس يَسُوا يَدِهِي، «بَرُوكِ يَهُودَه هَدَابَوَه هَنِ؟» إِدَهِ- يَسُوا، «أَنَّ بَرِيَيِّكِ بَهَلِيَّه-» إِدَهِ-

⁰³ إِقْفِيرِيَّه هَدَأْ فُودَاتِ مَاقْنَايِتِي يَسُوا أَتَهْمِيَانِ-

⁰⁴ بِيلاتوس مَسِيَّه «بَرُوكِ نَاتِ كَتَبَيَه هَنِ؟ أَوْدَهِي بَرُوكِ فُودَانَه أَتَهْمِيَنِ هَوْكَه-» إِدَهِ-

⁰⁵ لَاكِينِ يَسُوا مَسِيَّه نَاتِ هَنِ دِيَابِ كِيَكِه- بِيلاتوس وَنِيتِ أَجَبَمِيَه-

⁰⁶ وَهَاكِمِ أَبَاسِكَاهِي وَإِيدِيَبِ دِيمَه إِسْجَنِي أَوْدَهِي بَهَرَوِيَبِ اُونَّكَهِ إِيْفَرِأَه-

⁰⁷ بَارَبَاسِ إِيَنِنَه تَكِ سُورِ ثَمَدِيَنَاهِيَبِ إِكِه فَنَاهِي قَالِ دِرَابِ أَكَاهِي وَهَبِسِيبِ إِيْفَرِ-

⁰⁸ أَوْدَهِي إِيَنِنِيَتِ بِيلاتوس أَبُوكِيَبِ قَالِ دَهَاهِي فَدُوقِه فَهَوي بَهَرَوَنَه. تُونِ دِيَمَابِ بَرُوكِ سَكِيَنَاهِ-

⁰⁹ «إِيْهُودَه هَدَأْ دَهْوَكَنَه مَهَانِيَه؟» إِدِيَتِ بِيلاتوس بَرِيَه أَرَاتِمِيَه-

¹⁰ بِيلاتوس إِقْفِيرِيَّه هَدَأْ يَسُوا هَسَادَاتِيَبِ دَهَاهِي هَاهِي بَاهِ إِيكَتِينِ تَوْنَه إِيكَتِينِ-

¹¹ لَاكِينِ إِقْفِيرِيَّه هَدَأْ أَوْدَهِي بِيلاتوس رَاتِيَتِ بَارَبَاسِ فَنَدِيقِيَتِ تَوْنَه هَوي بَهَرَوِ-

¹² بِيلاتوس بَرِيَه مَلِيَه إِنْفَرَادِ «أَوْتَكِ بَرَاكَنَه إِيْهُودَه هَدَأْ تَيَدِنِيَبِ كَكِ أُورَهِ؟» إِدَهِ-

¹³ لَاكِينِ أَوْدَهِي مَسِيَّه، «سَلَبَا. دَرَه.» إِدِينِ-

¹⁴ بِيلاتوس بَرِيَه سَكَنَاهِيَه «أُونِ أَوْتَكِ نَاتِ مَاقِ قُوبَابُويَتِ أَنَدِيرِ؟» إِدَهِ- بَرَاهِ وَوَنِ هَسَائِيَه، «بَرُوكِه دَرَه. سَلَبَا.» إِيدِينِيَتِ شَاوَتِيَه وَلِيَكَاهِ-

⁰¹ Fajir ifagiiriya had'aawwa, y'eegrimaawwa, whaggi kanaaniigaawwa iiktiin immarraayniit, cassuuuh Iyahuudi majliswa Yasuu'a oon umajlisi suurii haay eeyaan. Cassuuuh umajlisiib iifiin yakiyaaniit, Yasuu'a whaakim Biilaatoos haay ibeen.

⁰² Biilaatoos Yasuu'ii dehaay, «Baruuk Yahuudi had'aabwa han?» idi. Yasuu'a, «Aan bariiyeeek bhaliyya.» idi.

⁰³ Ifagiiriysi had'a gwidaat maagnaaytii Yasuu'a atehimiyaan.

⁰⁴ Biilaatoos masi «Baruuk naat kitdiya han? Uudehay barook gwidaana atehimeen hooka.» idi.

⁰⁵ Laakiin Yasuu'a masi naat han diyaab kiiki. Biilaatoos winneet ajjabamiya.

⁰⁶ Whaakim ubaaskaay w'iidiib diima isijnii uudehay yhirweeb ootakka iifir'a.

⁰⁷ Baarabaas iidna tak suur tumadiinaatiib iki finaa y gaal diraab akaay whabsiib iifi.

⁰⁸ Uudehay eeyaaniit Biilaatoos abuukiib gaal dehaay fiduug hooy yhariwna. Tuun diimaab baruuuh sakiyeenaatu.

⁰⁹ «Iyahuudi had'a dehookna mhalani?» idiiit Biilaatoos bareeh araatamiya.

¹⁰ Biilaatoos ifagiiriya had'a Yasuu'a hasaadaateeb dehaay haay y'aab iiktiyeet toona iktiin.

¹¹ Laakiin ifagiiriysi had'a uudehay Biilaatoos raatiit Baarabaas fandiigeet toona hooy yhariw.

¹² Biilaatoos bareeh malya infaraad «Ootak baraakna Iyahuudi had'a tiyadneeb kak awari?» idi.

¹³ Laakiin uudehay masi, «Sallabaa! Dira!» idiiin.

¹⁴ Biilaatoos bareeh sakanaaya «Uun uutak naat maag gwibbaabuuyt andiir?» idi. Baraah wawin hissaayee, «Barooh dira! Sallabaa!» idiiiniit shaawti waliikiyaan.

¹⁵ بِيلاتوس بَراه يهرونيت تونة سكية. أدهي مَدرِيب ماقتيب أباك اوْنَك أسجينب ايغيب دهاي إدق. بِيلاتوس بَراه يهرونيت تونة نُونية.

¹⁵ Biilaatoos baraaah yhiriwneet toona sakiya. Udehayi madareeb maagtiib abaak ootak usjniib iifiib dehaay ifdig. Biilaatoos baraaah yhiriwneet toona nuuniya.

كَجَر يَسُوَا هَاي كَشِيان

¹⁶ كَجَر وَهَاكِم هَوي إِيفِيَّهُ اُوقُوي هُوشِيب يَسُوَا هَاي شُومِيَان، إِكَجَر إِيزَو هَدَاب وَلِيكِيَان.

¹⁷ يَسُوَا هَاي كَشِيان، أَكْرَاب مَاق وَرَابِين «وَهَدَاءِي كُوتِيَّوَه؟» إِيدَنَة. هَدَاءِي هَلَاكَة دَارِيَب كَهِي إِادَنَ، كَوْفِيَّايت دَكَتِيت كَوِي دَاسِين.

¹⁸ بَرَوَه هَاي كَشِيان «إِيَّهُودَه هَدَأ، كُوتِيَّوَه؟» إِيدَنَة.

¹⁹ يَسُوَا كُولَّاَيِي إِقْرَمَه إِيَّثَانَة، كَهِي تَقْفِين. وَهَدَاءِي دَهَاي قَنْقِيَّت سَلَامِين.

²⁰ مَلِيَّه إِكَجَر يَسُوَا هَاي كَشِيان هَرَأ، وَهَلَاك وَأَذَرَه هَوي إِفْرَانَة، يَهُوكَيِّس إِسْتُوكُونَة، سَلَيْيَنِي دَهَاي هَاي قَيْقِيَان.

أَسْلَبَتَه

²¹ يَسُوَا أَوْدَهِي إِيدِرِنَه اُومَهِين هَاي بَيَّنِي، سِيمُون قَيْرَو اُنْبَوَه، إِسْكَنَدَرَه رُوفُوسِيبِيَّه أَبَابَه، تِدَرَآتِي يَاهِي إِكَجَر وَأَنْفِي أَسْلَبَيِّي هَنَدَه يَكْسِيَّيَان.

²² «قُولْقُوتَه» إِيدَنَة مَهِين إِكتِمنَة دَور، يَسُوَا تِمَاق سَكَنَيَّه قُود سَلَيْيَان.

²³ بَيَّنْ تَوِي يَسُوَا هَاب مِنْ هَوي إِيفِيَّه ثُونِيَّه أَوْدَور يَسُوَا وَهَهِ إِرب.

²⁴ مَلِيَّه بَرَوَه سَلَيْيَان. إِكَجَر شِرْفِيَّت إِقدَنِيت، إِدَهَاي بَثَنِيَّب بَرَبِّيَّه يَهَلَّكَه إِمَادَانَة.

²⁵ أَوْدَور بَرَاه سَلَيْيَانِيَّب ثُوسَأْشِيقْتَه فَجَر أَكَاي إِيفِيَّه.

²⁶ يَسُوَا قِرْمَاه كَهِي «أُونْ بَرُوه إِيَّهُودَه هَدَأ.» كَتِبَّاه.

²⁷ يَسُوَا تِمَاق سَكَنَيَّه قُود سَلَيْيَان. قال أَمِيقُودِي دَهَاي، أَورَأو أَنْزَهُقُودِي دَهَاي سَلَيْيَان.

²⁸ أَونَتَأْتِيَّه أَوْكَتاب هَوي إِيفِين بَهَلَّي سِدَك إِيكَتِين «بَرَوَه مَاق سَكَنَيَّه قِيَّب إِشِبِيَّنَة.» إِندَه أَوْكَتاب.

Kajar Yasuu'a haay kashiyaan

¹⁶ Kajar whaakim hooy iifyi oogawii hooshiib Yasuu'a haay shuumisyaan, ikajar eeraw hiddaab waliikiyaan.

¹⁷ Yasuu'a haay kashiyaan, akraab maag waraayin «Whad'aay! Kwatiibwa?» iidna. Had'aayi halaaka daawriib kehii id'iin, koofiyaayt danteet kehii daasiin.

¹⁸ Barooh haay kashiyaan «Iyahuudi had'a, kwatiibwa?» iidna.

¹⁹ Yasuu'a koolaayii igirma iith'ana, kehii tatfiin. Whad'aayt dehaay ginafiit salaamiin.

²⁰ Malya ikajar Yasuu'a haay kashiyaan har'i, whalaak w'adari hooy ifir'ana, yhalakaayees istookwna, sallabiinee dehaay haay giigyaan.

Usallabti

²¹ Yasuu'a oodehay iidirni oomhiin haay bayee, Siimoon Geerwaaniwwa, Iskandarwa Ruufusiib ubaaba, tidir'aatii y'ee ikajar w'anfii usaliibi hindi yaksiisiyaan.

²² «Goolgoota» iidna mhiin iktimna door, Yasuu'a timaag sakanaaya gwad sallabiyaan.

²³ Been tooy Yasuu'a haab mir hooy iifyieeb nuuniini oodoor Yasuu'a wha irib.

²⁴ Malya barooh sallabiyaan. Ikajar shirfiit igidniit, idehaay dhibtiyeeb bariiyeeh yhalaka im'adhdhaadhna.

²⁵ Uudoor baraaah sallabiyaaniib tuus'a ashshadhlit fajir akaay iifi.

²⁶ Yasuu'i girmaay kehii «Uun baruuuh Iyahuudi had'a.» kitbaaba.

²⁷ Yasuu'a timaag sakanaaya gwad sallabiyaan. Gaal umaygwadii dehaay, ooraaw utrahagwadii dehaay sallabiyaan.

²⁸ Oont'a t'iiti uuktaab hooy eefeen bhali sidik iiktiin «Barooh maag sakanaaya geeb ishabibna.» indi uuktaab.

²⁹ إِكْجَرَوْهُ بِلِينِ يَهُسْمِيْنَوْهُ هَنْ بَرُوهُ هَايْ كَشِيَانْ. وَأَيْ سَلَامِيْتَكْ «بَرُوكْ أَكُو اسْتَنَايْ قَوْ كَتِيَاتْ، مَهِيْ بَايِيَّبْ أَنْدَابِيرْ، تَيِّيَّبْ؟

30 تاً أَقْرُوْيُوك شِدْهَنَة. أَسْلَيْبِي كُوبَرَة مَا.» إِيدَنَة.

31 ازدھی بین توی انقدناکه برؤه ایشپینه. و هق
گانیقاوۃ، افیریۃ هداوۃ هن برؤه هوی فلیدی، «اودھی
اقر او إسٹھین، اقرؤیوس کیشدھن.

32 أَعْوَاسْنَايِيْ أَمْسِيَيِيْ إِسْرَإِيلَيِيْ هَدَا إِكْتَبِيْكِ، تَا بَتَّكُوْءَ-
مَلِيْلَيِيْ نِيشِبِ، امْفَنِيْ نِيدِيِي» إِدِينِ. آنَدَ إِمْلُوْ توْمَاقِ سَكَنَةِ هَنِ
أَمَافِتَنِيْ بَرِيْبَوْهِ دَهَاهِيْ إِدِينِ.

یسُوَّاْیت تؤیٰت

33 اُدھورِ ائمۃ دورِ قالھوب تابیرے ٹینتِ اسمیان۔ کسوہ اومبا و اسیر اوکیک ٹینمیان۔

³⁴ بین او دور، یسوا ون هستی آویه، «ایلوی ایلوی، لاما سنکوتانے؟» ادے۔ این ابھلے ایہودے بھلیئی «اکو اسنایویو۔ اکو اسنایویو، نانھی تائشیب؟» میادو۔

³⁵ شَلَكْ دَهَيْ بِينْتُوْيِ إِنْقَدْ، يَسْوَأْ إِمَاسِونَةْ أَوْدُورْ «بَرُوْهْ أُنْسِيْ إِيلِيَّةْ وَلِيكِيَّةْ إِنْفِرْ» إِلَيْنَ-

36 تاک قال ڈابیِ ایبیت شلتوٹ هاب هویِ ادایت، ملیے
کو لوپبِ اشافت یسُو ایب او بیکہتےِ پایبیاک «او نتاً إشنة داینیتے۔
ایلیتے پائنتیت تکو سینیتیک نیشیپ۔» ادے۔

37 يَسُوأَ آدِيَة، مَلِيَّة إِبْيَة-

³⁸ بین اودور هوی و هلاک اکو سنای اقوے سُوري ايفيپ مهکوليسى اينچوم اوكيك ملو مهين إشت.

39 اُدایتِ ارومانے کجرے هدا یسٹو سُوری ایستا۔ بین
اُدایت یسٹو اک اپنیب رہینہوب، «سِدک، اون بُروہ
اکو سنائے اور اکای ایفے»۔ ایدے۔

40 مَاتَ فَلَتْ سَقَى مُهِينَ إِنْقَنْيَتْ إِيشِينَةَ- بَتَاهَ، مَرِيمَ
مَجَدَلِينَا بَوَّهَ، مَرِيمَ يَاقُوبَهَ يُوسِفَهَ ثُونَديَّهَ، سَالُومَابَوَهَ يَا
قَدَهَ إِيشِينَةَ.

²⁹ Ikajarwa baliin yhasamiinwa han barooh haay kashiyaan. W'ayi salaamiitka «Baruuk ‹Ukwaasanaay gaw kat'iit, mhay b'eeeyeb and'iir» tidiya?

³⁰ T'a ugarooyook shidhhana! usaliibii kwibara m'aa!» iidna.

³¹ Oodehay been tooy ingadnaaka barooh iishbibna. Whaggi kanaaniigaawwa, ifagiiriya had'aawwa han barooh hooy faayidee, «Oodehay ooraaw ishidhhiin, ugarooyoos kiishidhhan.

³² Ukwaaasanaay Umasiih Israa'iili had'a ikatiyeek, t'a batikwi! Malya niishbib, aamanni niyad.» idin. Aanda imalu toomaag sakana han amaagna bariyooh dehaay iidna.

Yasuu'iit tooyat

³³ Uudehuur eeya door gaalhoob taabri thibint assamiyaan. Kassooh oomb'i w'asir ookiik thibnamiyaan.

³⁴ Been oodoor, Yasuu'a win hissii aadhiya,
«Eelooy Eelooy, lamaa sabakhitaani?» idi.
Een ibhali Iyahuudi bhaliyyee
«Ukwaasanaayooyu! Ukwaasanaayooyu,
naanhooy t'ishheeb?» miyaadu.

³⁵ Shalik dehay beentooy ingid, Yasuu'a imaasiwna oodoor «Baruuuh unabi Lilya waliikiya eefi.» idiin.

³⁶ Tak gaal dhaabee eeyaayt shaltuut haab hooy id'iit, malya koolayiib ish'agt Yasuu'iib ooyafiibka y'iibak «Oont'a ishna d'iina! Iilya y'eetiit tikwisiiniiveek niishbib.» idi.

³⁷ Yasuu'a aadhiya, malya iviya.

³⁸ Been oodoor hooy whalaak Ukwaaasanaay ugawi suurii iifiib mhakwaliisii eedhoom ooiik malu mhiin ishtat.

³⁹ Udaabit Iroomaani kajari had'a Yasuu'i suurii iist'a. Been udaabit Yasuu'a kak iyiyaneeb rhiyanhoob, «Sidik, uun baruuh Ukwaasanaayi oor akaay iifi.» idi.

⁴⁰ M'at galit sagi mhiin ingadniit iiishbibna. Bataah, Miryam Majdaleenaabwa, Miryam Yaaguubwa Yuusifwa tuundeeewwa, Saaloomaabwa y'a gada iiishbibna.

⁴¹ سُور جَلِيلِي يَسُوأَ رَمَاتِ إِيفِينْ تَامًا يَسُوأً وَتَبَّتِ دَابِيبْ وَبِرَاتَةٍ. وَرَتْ مَأْتَ هَنَ اُورشَالِيمَ الْقُدْسِيَ قَبْ يَأْبِيَتِ إِيفِينْ.

⁴¹ Suur Jaliilee Yasuu'a ramaat iifiin taam'a Yasuu'a winneet daayiib weeraata. Warit m'at han Oorshaliim Algudsee geeb y'aayiit iifiin.

يَسُوأَ إِتْوَبَاس

⁴² أَوْنَتَا وَهَادِ إِدُولْهُوبْ، تَوْلَهَيْتِيَايِ سَبَتْ أَكُوهْ، إِيَهُودَى دَهَى وَإِيَدِي دَهَايِ أَمَرْ أَكَايِ إِيفِينْ.

Yasuu'a itoobaas

⁴³ «يُوسِف» إِيدِنَتَهْ تَكْ، «رَامَة» إِيدِنَتَهْ مَهِينَ يَهُودَى إِيَكَتَهْ إِيَتَهْ. أُونَ بَرُوهِ دَاهِيَهْ تَكْ، وَتَبَّتِ سِدِكِيَبْ إِيَهُودَى مَجْلِسِيَبْ أَرَى قَالُو. وَأَنْكُونَاتِيَتْ هَدَابِيَتَهْ آيِ أَكْرَابْ يَهَرُو. أَشَارَةَ تَكُورْ، بِيلَاتُوسِي يَسُوأَيَتْ تُكِنَاجَةَ يَهَرُو.

⁴² Oont'a whaad idwilhoob, toolhaytiyaay sabt akooh, Iyahuudi dehay w'iidii dehaay amar akaay iifiin.

⁴⁴ بِيلَاتُوسِي يَسُوأَ إِتْوَارِيَتْ تَوْنَةِ إِمَاسِوْهُوبْ أَجَبَمِيَهْ. دَابِتْ قَالْ وَلِيَكِيَتْ «نَادُورِ يَسُوأَ إِيَهْ؟» إِدَهْ.

⁴³ «Yuusif» iidna tak, «Raama» iidna mhiin Yahuudaay iikti eeya. Uun baruuuh daayi tak, winneet sidkiib Iyahuudi majlisiib aree gaalu. W'ankwanaayt had'aayeeti aay akraab yhiriw. Ash'ara taku, Biilaatoosii Yasuu'iit tukinaaja yhariw.

⁴⁵ بَرُوهِ إِدَيِتْ سَوَيَّيَتْ هَرَاءِ، «تُكِنَاجَةَ يُوسِفْ هِيَوْنَةِ». إِدَهْ.

⁴⁴ Biilaatoos Yasuu'a itoodaareet toona imasiwhoob ajjabamiya. Daabit gaal waliikiyyayt «Naadoor Yasuu'a iya?» idi.

⁴⁶ يُوسِفْ هَلَاكِ إِدِلَبِ إِبِيَهَايَتْ، أَسْلَيِي يَكِنَاجَةَ تَكُوسِيَيَتْ. وَهَلَاكِيَبِ إِشَامِمِ، أَمَرِيَبِ مِيمَشَانِيَبِ إِسْوَمَرَتِ إِسْ-مَلِيَهِ، إِمِيشَنِيَبِ يَقِي دَهَى أُونِيَبِ كُوَالِيَسِيَهِ.

⁴⁵ Baruuuh idaabid sooyyayt har'i, «Tukinaaja Yuusif hiiwna!» idi.

⁴⁷ مَرِيمَ مَجَدِلِيَّوَهْ، مَرِيمَ يَزِيَسِيَيَتْ تُونَدِيَّوَهْ أَمِيمَاشِيَبِ تُكِنَاجَةَ دَاسِيَنِيَبِ إِداَسَتَهْ إِيشِيَّبَنَهْ.

⁴⁶ Yuusif halaak idlib iiyhaayt, usaliibii tukinaaja tikwisiyyayt. whalaakiib ishaamim. Amariib miimashaayeeb isoomirt ibis. Malya imiimashi yafii dehay aweeb kwaaleelsiya.

⁴⁷ Miryam Majdaleenwa, Miryam Yoosisiit tuundeeewwa umiimaashiib tukinaaja daasiiniyeeb idaasti iishbibna.